

孚惠全書

字惠全書卷七

巡幸蠲免一

乾隆六年七月二十七日奉

上諭朕初次行圍所有經過州縣前經屢降諭旨不令絲毫擾累但安營除道未免有資民力朕心軫念著將該地方本年應徵額賦酌量蠲免統計十分之三以昭朕體恤閭閻之至意

御製三秋時序萬寶告成命駕出口巡狩遵

祖制也經過州縣百姓扶老攜幼歡呼夾路閭閻之間戶有蓋藏場多稌德深樞朕志爰下詔蠲免田租以示嘉惠元元之意百

武備由來重時巡意更深崇秋隼法駕豫日足甘

霖旭耀旌旗影風傳鼓角音停鑿問農事獻曝見
民心戶有倉箱積人多樂豫吟與情猶似昔
祖德到於今解澤心無吝紹

庭志倍欽茲行當黽勉詎止為從禽

乾隆八年七月初八日奉

上諭朕奉

皇太后前往盛京恭謁

祖陵經過州縣不令絲毫擾累但安營除道有資
民力朕心軫念著直隸總督高斌奉天府戶霍備
查明各該地方本年錢糧應徵數目請旨蠲免以
昭朕體恤閭閻之至意

御製躬詣盛京雖命省驛從而經過州縣豈盡免

力役之勞因詔免今年田租以示如傷之意

亥發

者耕者斂古所間存后禮不廢時巡矧茲上陵寧
舊制有其舉之敢弗因感京佳氣東未紫駢駢六
御今伊始山圍冀野徧桑麻峯標木業經迺遷今
年北鄙若雨暘沿途攬轡禾黍香雖云比戶足衣
食恐咨民瘼刻豈忘千乘萬騎邁寓縣錢縛將序
民情忤立無力役勞閭閻中心徘徊不能宴朝廷
德詔應時下蠲租建彼千村社匪欲小補悅斯民
皇祖當年煦嫗者

九月二十四日奉

上諭感京戶部莊頭每年交納糧石豫備

陵寢祭祀各項供應外其餘交收入倉以爲撥給
各處匠役口糧之用今朕恭謁

祖陵親詣盛京軫念各莊頭終歲勤苦輸將無誤
著將乾隆八年分應交倉糧一萬餘石加恩寬免
其各處匠役口糧著於舊存倉糧內撥給再各莊
尚有乾隆七年分未完米豆草束俱著該部查明
一併豁免以示朕優恤旗莊之至意

十月初一日奉

上諭朕恭謁

祖陵巡幸盛京所有奉天府屬錢糧及各莊頭糧
石俱已豁免尚有盛京等處旗地未得霑恩者將
盛京興京遼陽牛莊蓋州熊岳復州金州岫巖鳳

鳳城開原錦州寧遠廣寧義州等十五處旗地應
納本年米豆草米免徵一半其乾隆七年以前積
欠與七年分因災緩徵之項俱著該部查明一併
寬免再盛京尚惟那耿化祚名下壯丁應交本年
丁米及上年緩徵米石亦著一例免其輸納俾旗
民一體邀恩普霑惠澤該部即遵諭行

乾隆十年七月二十二日奉

上諭乾隆八年朕恭謁

祖陵經過之州縣蠲免錢糧十分之三今年直隸
地方間有雨澤未能霑足之處前已降旨緩徵此
次出口行圍所有經過地方不令絲毫擾累但安
營除道未免有資民力朕心軫念著將近京一帶

及宣府等處車駕經由之州縣本年應徵額賦蠲免十分之四其如何分晰辦理之處著總督那蘇圖速行的量籌辦並將朕諭宣諭官民等知之

乾隆十一年九月二十三日奉

上諭朕巡幸五臺一切供應皆動支正項不令絲毫擾累閭閻惟是安營除道未免有資民力且五臺係初次駐蹕宜沛恩施俾小民得霑膏澤以遂近光之願著將該縣乾隆丁卯年應徵地丁錢糧蠲免十分之三該撫即遵諭辦理

乾隆十二年九月初一日奉

上諭朕出口巡幸親田禾豐稔與與翼翼較去年秋成相仿寄為欣慰但道旁禾稼尚有未經收穫

者恐隨從人等稍有踐踏者加恩將經過州縣本年應徵額賦蠲免十分之三著該督那蘇圖詳悉確查妥協辦理

乾隆十三年正月二十六日奉

上諭上年山東歉收朕念民食艱難多方賑恤倉儲帑項不惜數十百萬以濟災黎而閭閻之欣戚猶且時縈宵旰今歲二月東巡連循舊典兼以親臨郭屋下悉民艱難清廢除道所費皆給予公項絲毫不以累民而地方官於朕巡幸之所自必力為經營其於百姓撫恤亦必周備但恐力專於此非輦路所經即不免有顧失之虞如郭勝以北民情尚下致拮据若郭勝以南膏腴收成較薄倘不

思博濟空能盡免困乏此等處所尤宜加意撫綏
蓋朕與澤所歷即缺於整齊亦無妨礙惟小民地
處一偏瞻統不及獨使向隅甚堪矜念著該撫董
率各屬留心查察務令遠近一體膏澤均霑以副
朕父母斯民之望該部即速行文知之

二月二十一日奉

上諭朕巡幸山左駕過畿南雖安營除道練毫不
以累民而閭閻望幸宜溥恩施著將直隸山東經
過州縣本年錢糧蠲免十分之三山東直隸免錢
糧之年所蠲本年錢糧例於明歲免徵但念東省
災黎待澤較殷著於藩庫地丁銀內照蠲之數先
行動項賞給明年徵輸歸款其作何分別遠近一

一做直隸辦理該督撫各董率地方官員作速查明蠲賞務俾小民均霑等惠

御製雜詠四首示東省巡撫及諸臣

長

致荒無善政舊聞今見之克齊豈非聖然猶病傅
絕茹衆總不惜承宣繫有司巧者矜才智拙者無
能為更或圖息偃體察致漏遺復有尤甚者刈民
飽其私罪法徒自戕於民終無裨為告方伯臣讀
予雜詠詩

雜詠非詠物切切念民艱反躬先自責調幕無能
焉嗟此齊魯民被歎已連年富者日以貧貧者更
罄懸計口縱受食日月乃苟延任恤有常經為之
在得權設任貧室富家難盡全一言以蔽之錫

豐瑞賴天

卷七

賴天祐此方延頸長仰企其如格無術坦悅慙靡
已京畿及豫吳春霖均霑被而胡膚寸合偏道在
尺咫况况隴中冬彌望盈千里十日雖可遲一犁
亟其俟絮雲繞作勢顛風繼以起躊躇堪百憂邈
迨親見此

親見急民瘼更切飢溺心流者雖比比居者仍林
林無怪穀踊貴糠粃登釜絜轉徒難生視遮留應
酌斟資送生冀倖更患胥役侵凡爾守土吏孰無
牧民任叶體予如傷懷盡爾一念忱補救各勉彈
雨露天難護

二十四日奉

上諭朕時邁東巡前詣

闕里至于

岱宗舊典幸修明禮樂爲東省本年錢糧現已普
免因思曲阜泰安歷城鑿與駐蹕之所也是宜推
恩閭井廣沛優施著將三縣乾隆己巳年應徵地
丁錢糧全行蠲免俾小民均霑厚惠該部卽遵諭
行

乾隆十四年七月初七日奉

上諭朕此次巡幸木蘭親睹田禾穎粟實爲大有
之象但目下未經收獲道旁禾稼雖屢飭隨從人
等不許踐踏然猶恐稍有損傷著加恩照十二年
時巡之例將經過州縣地方本年應徵額賦蠲免

十分之三著署督陳大受詳悉確查妥協辦理

乾隆十五年二月初二日奉

上諭朕恭奉

皇太后西巡五臺途經畿輔念宿麥含滋正值發
生之候業已特頒諭旨試鋤一應扈從人員車馬
無得踐踏但時當舉趾所至地方除道安警不無
有需民力著照上年秋間木蘭之例直屬經過州
縣本年應徵額賦蠲免十分之三該督方觀承即
行詳悉確查妥協辦理務令民需實惠以副朕軫
念耕氓至意

十二日奉

上諭朕巡幸五臺一切供應皆動支正項下令綜

毛擾累閭閻惟是經過地方安營除道未免有資
民力著照前次巡幸五臺之例將本年應徵地丁
錢糧蠲免十分之三該撫卽遵諭辦理

十四日奉

上諭上年各省俱慶有秋山右亦登豐稔惟太原
臨晉蒲縣等縣間因被水被雹偶值偏災俱經照
例賑恤其他如猗氏等縣夏間雖有小歉後亦施
告有秋俱稱勦不成災朕茲巡省晉界念切民依
惟此數處雖非蹕路所經究在一省之內宜沛恩
膏用示懷保著該撫詳悉查明所有偏災及勦不
成災各縣應與緩徵帶徵酌擬分數奏聞請旨辦
理

御製降旨巡撫阿里衮恤被偏災及勘不成災者

集信成詩
庚午

昨歲沐

天恩豐登遍寰宇山石亦稱稔庶鮮飢寒苦太原
臨晉蒲間被水寬處叶他如猗氏等參數秋收善
偏災倒賑恤知實惠思否叶其勘不成災詎免有
窮戶者耕臨晉疆所過皆樂土數縣雖未經民艱
切心所申命方伯臣旬宣職惟汝予恩汝其沛勿
遺無告者叶行時豈豫遊望古勤助補

十九日奉

上諭上年直隸各屬豐收間有被水被雹偏災如
劉州天津津軍廳青縣靜海鹽山慶雲宣化懷安

九處俱已照例賑恤其永清正定邢臺永年邯鄲
成安肥鄉龍門八處均係一隅偏災因連歲有秋
糧價平減無需給賑亦經照例蠲緩今朕巡幸五
臺經過直隸地方已蠲免錢糧十分之三其偏災
州縣同在一省亦應共沐恩膏著該督詳悉查明
應如何加恩之處酌擬分數奏聞請旨辦理

御製命直隸總督方觀承恤去歲稍被偏災及勸

不成災州縣詩以示之

庚午

閩省多豐數縣災豐宜慶幸災宜哀善為賑恤登
衽席庶免飢寒困草萊莫謂一隅置度外從知萬
姓望恩來匪鄙躡路何殊別布澤運思遍八垓

二十四日奉

上諭朕巡幸晉省念切民依特諭巡撫阿里衮將該省上年偶被偏災之太原等縣及勘不成災之猗氏等縣詳悉查明應有緩徵帶徵的數分數奏聞請旨辦理今據該撫分別查奏請將已成偏災之太原蒲縣所有蠲剩錢糧前經題明緩至乾隆十五年開徵分作二年三年帶完者再展一年開徵等語朕思該二縣既被偏災僅予展限尚非朕特恩撫卹之意著將蠲剩錢糧再免十分之三餘仍照原題分年帶完其勘不成災之陽曲榆次徐溝祁縣清源文水長治永寧寧鄉永濟臨晉猗氏禁河萬泉渾源應州廣靈右玉朔州馬邑五寨平定樂平壽陽代州五臺定襄忻州靜樂芮城絳州

絳縣稷山解州等三十四州縣著照所請將乾隆十四年民借倉穀原經題明今秋完納者再展一年緩至乾隆末年秋後免息還項此係朕格外之恩該撫督率所屬妥協辦理務使閭閻均霑膏惠該部遵諭速行

三月初三日奉

上諭朕念直隸上年劉州等十七州縣偶被偏災應予加恩軫恤特諭總督方觀承將如何加恩之處詳查奏聞請旨今據該督奏請將薊州天津軍廳青縣靜海鹽山慶雲宣化懷安九處被災地畝該年糧銀除照例蠲免外再蠲十分之一永清正定祁臺永年邯鄲成安肥鄉龍門八處被災五

六七分地畝蠲剩錢糧例應二年帶徵者再緩一
年邢臺永年邯鄲成安肥鄉龍門六處被災八九
十分地畝於例蠲之外再請蠲免十分之一等語
朕思薊州等十七州縣既被偏災雖其間分數之
輕重不齊歷年之豐歉不一但如該督所請於薊
州等九處蠲剩錢糧僅蠲十分之一永清等八處
分別被災五六七分者例緩之外再展一年八九
十分者蠲剩之外再免十分之一尚非朕格外加
惠令小民善處渥澤之意著照山西偏災州縣加
恩蠲免之例將該十七州縣蠲剩錢糧概免十分
之三餘仍照原題分年帶完該督其率屬妥協辦
理務使閭閻均霑實惠該部遵諭速行

八月二十一日奉

上諭朕恭謁

祖陵所過京東州縣田中收穫之象較往年似覺
較薄大抵因夏秋雨水過多是以不能盡獲豐稔
今所見如此則前途亦大畧相似朕時巡省方輿
釋所至民依念切雖成災之處已照例賑卹即不
成災處所當薄收之年亦為矜念向未臨幸地方
應徵錢糧俱行按分蠲除此次經過直隸州縣其
嘗未被災仍屬豐收之處按照舊例蠲免十分之
三若數收之所著加恩蠲免十分之五該督速行
查明分別奏聞照例辦理該部即遵諭行

九月十七日奉

上諭朕巡行萬洛一切供頓皆動用正項絲毫不以累民惟念安營除道未免有資民力直隸所經之地現已降旨照例蠲除所有河南經過地方著加恩蠲免錢糧十分之三該撫卽遵諭辦理務使小民得霑膏惠

二十四日奉

上諭朕巡洛祠萬甫經豐樂鎮卽已降旨蠲免經過州縣十分之三其他年歲順成是以照例蠲除數日所過州縣體察農功夏麥告豐晚禾覺歉秋年播種亦復待時甚為軫念其歉收之處著再加恩統前蠲免十分之五令該撫詳悉查明分別辦理該部卽遵諭行

御製加免復嘉等縣今年秋收稍歉者徂詩以示

地方吏

年庚

我過直隸時獨徂別次第豐收善免三歉收更加
二前臨豐樂鎮憑輿覘稔歲用是生歡顏免三均
是惠通日遵河北觀民每駐轡沙田餘穉苗場圃
鮮頌德問知秋雨稀穀價因以貴休助有古訓加
錫亦近例亟頒十行詔更飭一方吏惠民不吝恩
施恩善推類

三十日奉

上諭此次巡幸河南省方問俗所至推恩尤念祥
符為省會之區登封晉望秩之所鑒與駐蹕宜沛
優施著將該二縣乾隆辛未年應徵地丁錢糧全

行獨免俾控澤均需以愜小民近光之願該部即
遵諭行

乾隆十六年正月十五日奉

上諭朕南巡江浙經過畿輔雖一應供項俱令動
支公項而安營除道未免有需民力朕心深為軫
念著將直屬所過州縣本年應徵額賦蠲免十分
之三交該督方觀承確查妥辦務俾小民得需實
惠

二十一日奉

上諭朕南巡江浙道出青齊該省去臘以來雪澤
霑足麥秋豐稔有望雖一切安營除道俱由官辦
而並營春融土潤正當有事西疇朕省方問俗念

切問閭者將經過山東州縣本年額賦蠲免十分之三爰與巡撫準奏詳悉查明照例辦理務俾得
憲實惠該部遵諭速行

七月初九日奉

上諭朕此次巡幸木蘭經過州縣地方日觀秋禾
茂盛或或芄芄雖經嚴飭隨從人等不許踐踏猶
恐不無蹂躪者加恩將經過州縣本年應徵地丁
錢糧蠲免十分之三其有夏月被雹偶成偏災者
蠲免十分之五該督方觀承查明照例妥協辦理
該部即遵諭行

乾隆十七年七月二十一日奉

上諭朕此次巡幸木蘭時在西成木稼接畛雖經

嚴飭隨從人等不許踐踏狗恐不無蹂躪者加恩
將經過地方本年應徵地丁錢糧蠲免十分之三
該督方觀承查明照例辦理該部即遵諭行

乾隆十八年二月十六日奉

上諭朕此次茶湯

泰陵巡視河堤並奉

皇太后閱視水圍所有經過地方著加恩蠲免本
年應徵地丁錢糧十分之三總督方觀承查明照
例辦理該部即遵諭行

八月十七日奉

上諭此次巡幸木蘭所有經過州縣著加恩蠲免
本年應徵地丁錢糧十分之三總督方觀承照例

查辦該部即遵諭行

乾隆十九年五月初七日奉

上諭此次由熱河前往盛京恭謁

祖陵所有經過直隸奉天州縣地方加恩蠲免本年應徵地丁錢糧十分之三著方觀承鄂寶照例查辦該部即遵諭行

九月初三日奉

上諭朕恭奉

皇太后東巡展謁

祖陵所有經過地方賜復蠲租一循彝典尤念今年奉天所屬州縣秋雨過多間被水潦雖高阜尚屬有秋但朕巡歷所經念此貧民拮据益當加意

惠恤無令失所若該將軍府戶等查明被災地畝
於恩旨蠲免外應作何分別優恤之處即奏開辦
理

十二日奉

上諭仰惟

列祖創業東土光啟萬年景運

山陵永峙

福祐靈長哉

皇祖聖祖仁皇帝三詣陪京

躬親展謁禮成行慶典冊昭垂朕寅紹丕基時深
景慕爰自乾隆八年秋瞻仰

榆山迄今已逾十載追念之誠常如一日本年七

月恭奉

皇太后安輿由熱河起鑿取道吉林巡歷遼瀋車駕所至兵民多安本業風俗淳樸輦路歡迎扶攜恐後具著忠厚惻忱仰見

先澤留遺久而益懋朕心深用欽慰茲於九月初五等日謁祭

三陵大禮告成宜敷懷澤其將奉天所屬府州縣乾隆十九年地丁正項錢糧通行蠲復經過地方前旨所免十分之三及被水地故應蠲錢糧仍於明年應徵額內補行豁除自山海關以外及寧古塔等處官吏軍民人等除十惡元罪外其餘已結未結一應元罪俱著減等發落軍流以下惡予寬

克凡我留都士庶尚其敬念根本重地益務敦龐毋忘先民矩矱其享昇平之福永承樂利之休用稱朕嘉惠優恤至意

十三日奉

工諭朕奉

皇太后鑒與再詣盛京恭謁

祖陵禮成奉天所屬府州縣乾隆十九年地丁正項錢糧已降旨通行蠲復所有各莊頭及旗地應納糧石草木等項自應一體加恩以溥閭澤著將盛京戶部各莊頭本年應交倉糧一萬餘石概行蠲免盛京興京遼陽中莊蓋州熊岳復州金州岫巖鳳凰城開原錦州寧遠廣寧長州等十五處旗

地本年應納米豆草束免徵一半其各莊丁應完
本年丁米亦著免其輸納俾旗民均霽嘉惠用昭
慶典

乾隆二十一年八月初七日奉

上諭朕此次巡幸木蘭所有經過州縣地方著照
例蠲免本年錢糧十分之三該部即遵諭行

乾隆二十一年二月十六日奉

上諭朕此次祭告

闕里恭謁

祖陵鑿與所至一切供頓皆動正項絲毫不可累
及閭閻惟念安營除道雖已計丁給直終未免有
資民力所有直隸山東經過地方本年應徵錢糧

著加恩蠲免十分之三其有上年秋收補救者雖
勸不成災而農民生計究屬拮据著統前蠲免十
分之五該督撫其嚴飭屬員詳悉查明分別辦理
毋致不肖胥吏侵漁中飽務俾小民得霑實惠

御製命免直隸山東所過州縣今年田賦十分之

三並成口號

兩

計里修除雖受直常供運免十之三長官縱自清
操凍需索應防吏役貪

八月十七日奉

上諭朕此次巡幸木蘭所有經過州縣地方著照
例蠲免本年錢糧十分之三該部即遵諭行

乾隆二十二年正月十五日奉

上諭朕此次南巡所有經過直隸山東地方本年應徵地丁錢糧俱著加息蠲免十分之三北內山東上年偶被偏災處所著蠲免十分之五該督撫等董率屬員查明妥協辦理務俾小民均需膏惠該部即遵諭行

二月初一日奉

上諭朕稽古省方裁臨江浙將以勤求民隱廣沛恩膏是以起鑿之先即經降旨將該二省乾隆二十一年以前積欠即行蠲豁而時當春令東作方興水陸經行一切除道挽舟雖皆按丁給值然終未免有需民力入疆伊始軫念方殷所有江南浙江經過各州縣地方本年應徵地丁銀兩俱著加

恩蠲免十分之三此內或有去秋被水致收者蠲免十分之五該督撫等其飭屬查明實力奉行稱朕加惠黎元至意

三月十八日奉

上諭朕稽古省方乘時布澤翠華所至賜賚蠲租而省會駐蹕之地加恩宜渥其將江南之江寧蘇州浙江之杭州附郭諸縣本年應徵地丁銀兩悉予豁免用昭行慶施惠之盛典該部即遵諭行

七月十八日奉

上諭朕此次巡幸木蘭所有經過地方著蠲免錢糧十分之三該部即遵諭行

乾隆二十三年七月十六日奉

上諭朕此次巡幸木蘭所有沿途經過地方著蠲免本年錢糧十分之三該部即遵諭行

乾隆二十四年七月初四日奉

上諭朕此次巡幸木蘭所有經過地方著加恩蠲免錢糧十分之三該部即遵諭行

乾隆二十五年八月十八日奉

上諭朕此次巡幸木蘭所有沿途經過地方著蠲免本年錢糧十分之三

御製降旨免經過州縣納賦

庚辰

經過賦免十分之三今歲還教依往例秋豐任土正所當於民傷恩寧傷義掃除罷受雇錢歸築納完更無餘事祇虞中飽澤鮮均中命有司察蠹吏

乾隆二十六年二月十二日奉

上諭朕恭奉

皇太后后展謁

秦陵乘便巡幸五臺所有直屬經過州縣及山西
經過駐蹕地方本年應徵額賦均著加恩蠲免十
分之三該督撫即行查明妥協辦理務令農民均
霑膏惠

御製降旨免經過州縣賦稅詩以誌事

已

歲歲秋徧狩北縣經來往賦率免十三此例宜循
做西巡越十載祝

釐匪遊賞吾民待澤久可不到所仰北直及西晉
一視無偏向叶除道雖給值於恩合推廣如前免

正供惠務周挪業被災者更報是吾閭洞瘁帛以
茲例概加恤待詳訪

七月十七日奉

上諭朕此次巡幸木蘭沿途經過地方本年地丁
錢糧著加恩蠲免十分之三再今歲自七月以來
直隸各屬雨勢連綿高田固資長茂低窪田地或
不免有被水減收之處已屢次降旨詳詢著再傳
諭該督等督率有司實力稽查隨宜撫恤務俾貧
民不致失所以副朕懷保黎元至意

乾隆二十七年正月十三日奉

上諭朕此次南巡所有經過直隸山東地方本年
應徵地丁錢糧俱著加恩蠲免十分之三此內該

二省上年偶被偏災處所著蠲免十分之五該督撫等董率屬員查明妥協辦理務俾小民均霽膏息該部遵諭速行

二月初四日奉

上諭朕恭奉

皇太后鑿與巡省江浙前已降旨將該二省積欠地丁全行豁免茲入疆伊始慶澤宜行所有江南浙江水陸經過地方本年應徵額賦俱著加恩蠲免十分之三此內或有去秋被水歉收者蠲免十分之五該督督撫等其董率屬員實力奉行稱朕于惠黎元至意該部遵諭速行

三月二十七日奉

上諭朕恭奉

皇太后安輿臨幸江浙翠華所至獨香疊加而省會駐蹕之地宜循茂典載沛渥恩其將江南之江寧蘇州浙江之杭州附郭諸縣本年應徵地丁銀兩悉予豁免用昭行慶施惠省方勤民之至意該部遵諭速行

七月初八日奉

上諭朕巡幸木蘭向年恩免所過地方錢糧十分之三此次沿途省覽見今夏雨水過多之處田禾分數較薄所有經過地方本年地丁錢糧著加恩蠲免十分之五以示優恤

乾隆二十八年五月二十八日奉

上諭上年因直屬偶被水潦是以巡幸木蘭時所
有經過地方向免錢糧十分之三者俱加恩蠲免
十分之五今歲麥田已獲秋稼雖可望有收第念
究係被災之後小民生計尚未免拮据此次巡幸
熱河沿途地方仍著加恩將本年地丁錢糧蠲免
十分之五該部即遵諭行

御製降旨免經過州縣賦十分之五詩以誌事

癸未

歷歲來巡例免三昨年加二為遭涂正當元氣未

復際仍與優恩普被湛夏長已佳誠滿望秋成待

至敢輕談閭閻已自無徵調

近畿款項已屬應行

昔格外蠲緩今歲二月內復命將勸不成災之處

本年應徵錢糧概緩至秋成後再行酌量帶徵是

二奉收獲時權租二奉登場任負擔
之吏可以掃迹矣

乾隆二十九年七月十七日奉

上諭朕此次巡幸木蘭沿途經過地方所有本年應徵地丁錢糧著加恩蠲免十分之三該部即遵諭行

御製降旨免經過州縣賦十分之三詩以誌事甲北巡經赤縣例免三帛取去歲及前年乃至十五誠以遭游饑民艱屛心苦雨熱幸去歲

既去歲參既收秋

田亦元氣復未觀今夏麥勝昨大田若陽雨安樂所經歷翼翼寬從泰登場左指日審足資三補可以按恒例免三增惠汝其等賦幾何寧如遇豐庶天恩信博濟人事終小補

孚惠全書卷七

七

平惠全書卷八

巡幸蠲免二

乾隆三十年正月十七日奉

上諭朕此次巡幸江浙所有經過直隸山東地方
本年應徵地丁錢糧俱著加恩蠲免十分之三該
督撫等務董率屬員實心奉行俾小民均霽膏惠
副朕愛養黎元之至意

御製降旨免直隸山東經過州縣錢糧詩以誌事

乙酉

新喜頒旨惠江南前此三次南巡屢蠲上下江通
賦昨詢之人士以江南尚有因
偏災緩徵各項積至一百餘萬兩念皆無力輸將
所致較每歲未完額微尤堪軫卹因於新正二日
降旨概予蠲免以紓路經應澤遍章執役那無洒
慰望幸而均慶惠

與掃正供胥免十之三即看吏道相親切寧不真
陳其苦甘更度文道詎全鮮聖傳宣方伯而詢探

二月初七日奉

上諭朕恭奉

皇太后安輿四巡江浙啟鑿之前已特頒恩旨將
該二省節年緩貸未完銀糧全行豁免茲當入疆
伊始宜敦懷澤以昭盛典所有江南浙江水陸經
過地方本年額賦俱著加恩蠲免十分之三該督
撫等其率屬實力妥辦稱朕觀民行慶至意該部
即遵諭行

初九日奉

上諭宿遷一帶地方濱河沮洳土瘠民貧從前巡

幸所經每深軫念茲入纒咨省見閭閻氣象較前頗覺寬舒攬學之餘深為欣慰昨已降旨免經過州縣額賦十分之三因念陸路經行一切灑道清塵較水程倍為勤勩雖按名給值絲毫不以累民而百姓踴躍赴公瞻依恐後其情尤堪嘉悅著加恩將現在經過之宿遷桃源清河暨回鑿時所過之銅山等四縣本年應徵地丁銀兩蠲免十分之五該督撫其率屬寄心經理俾益歲益資鏡裕元氣大復其樂恬熙以副朕加惠愛養之至意該部遵諭速行

御製降旨免宿遷等四縣本年正賦十分之五詩

以誌事配

憶我三番曾過此滿目民艱痾瘵視蠲租加賑不
少新究亦無能瘡痍起壬午之歲博咨訪略覺其
中悉源委因之疏別六塘河果然潦迹堪耕招人
事盡而

天旣隨連歲秋收皆獲美茲來殊覺大改觀憑輿
歷覽心生喜戶有蓋藏育難豚衣鮮工襤裂膳婦
子不哭不賑奚所加究欲加恩念無已因思時巡
免正供十分之三常例耳數縣瘠土應倍憐益二
至五斯可矣留有餘用蘇節簷減一半惟役縣應
佇看元氣復閭閻庶協以休以助理

閏二月初四日奉

上諭朕稽古者方四蒞江浙已降旨將經過地方

本年額賦蠲免十分之三而省會駐蹕之地加恩更宜優渥其將江南之江寧蘇州浙江之杭州附郭諸縣本年應徵地丁銀兩概予豁免用宣慶惠該部遵諭速行

初四日奉

上諭朕翠華南幸始蒞浙境念該省所免積欠較江省獨少且於未奉恩旨以前復有繕完之項民情可謂急公因命悉查積年未完各項無論於例應蠲與否盡予豁免以紓民力至清蹕所經前已降旨蠲本年額賦十分之三昨經歷江省復念淮徐各屬地瘠民貧江淮以南人知愛戴凡水陸經行州縣加免十分之五浙省雖郵頓無多而除道

清塵亦足現閭閻歡感且兩者皆係赤子誠求懷
保厥視惟均若再加恩將浙江經過地方本年應
徵錢糧免十分之五俾羣黎喜霽膏澤益慶阜
恬副朕入疆施惠至意該部即遵諭行

七月初九日奉

上諭朕此次巡幸木蘭所有經過地方著加恩蠲
免錢糧十分之三該部遵諭速行

乾隆三十一年七月初九日奉

上諭此次巡幸木蘭所有經過地方本年地丁錢
糧著加恩蠲免十分之三該部遵諭速行

乾隆三十二年正月二十五日奉

上諭朕巡幸天津周覽河隄汶臨指示機宜永求

畿輔民生利賴萃華臨淮宜沛恩施所有經過地方及天津閩府所屬本年應徵錢糧加恩蠲免十分之三以昭來春布澤之意該部即遵諭行

七月二十日奉

上諭朕此次巡幸木蘭所有經過地方本年地丁錢糧著加恩蠲免十分之三該部遵諭速行

乾隆三十三年七月初八日奉

上諭此次巡幸木蘭所有經過地方本年地丁錢糧著加恩蠲免十分之三該部遵諭速行

乾隆三十四年七月初八日奉

上諭此次巡幸木蘭所有經過地方本年地丁錢糧著加恩蠲免十分之三該部遵諭速行

十二月二十一日奉

上諭朕明春涓吉恭奉

皇太后安輿展謁

兩陵以伸誠摯禮成巡幸天津承

歡祝

擬近畿一帶宜沛恩施所有經過地方及天津閘
府所屬明年應徵地丁錢糧著加恩蠲免十分之
三以昭乘時布澤至意該部即遵諭行

乾隆三十六年二月初五日奉

上諭朕恭奉

皇太后安輿巡幸山東道經畿甸值北方春舉趾
之際首途所及宜沛恩膏著將直隸所過州縣本

年應徵額賦蠲免十分之三該督楊廷璋率屬妥辦俾小民均霽膏惠

十五日奉

上諭朕俯允山左臣民望幸之請祇奉

皇太后安輿登歲祝

釐贖散洽慶並便道詣謁

閱里業經光期降旨令一切供頓務從儉約毋事繁文而除道清塵閭閻歡欣供役具見愛戴惻忱著將山東所過州縣本年應徵額賦蠲免十分之三其上年秋收稍歉勸不成災地方著蠲免十分之五該撫當明安其董率屬吏詳悉查明妥協辦理務俾黎庶均霽膏澤該部即遵諭行

十五日奉

上諭朕俯順輿情祇奉

皇太后安輿茶誥

奏岱祝

墩延禧並登

閩里之堂躬行釋奠輦路所經推恩優渥而秦安
曲阜為駐蹕之地尤宜廣敷惠澤用溥隆施著將
該二縣乾隆辛卯年應徵地丁錢糧全行蠲復該
部即遵諭行

七月初十日奉

上諭每年巡幸木蘭所有經過州縣地方例免本
年錢糧十分之三今歲雨水較大著加恩蠲免十

分之五其有被水成災者仍著該督據實查明照
例撫恤務俾閭閻均霑膏惠該部即遵諭行

乾隆三十七年五月二十五日奉

上諭朕此次巡幸木蘭所有經過州縣地方著加
恩蠲免本年錢糧十分之三

乾隆三十八年三月初三日奉

上諭朕此次祇謁

泰陵禮成取道畿南奉

皇太后安輿巡幸天津閱視河工所有經過地方
及天津關府所屬俱著蠲免本年錢糧十分之三
五月初八日奉

上諭朕此次巡幸木蘭所有經過州縣地方著加

恩蠲免本年錢糧十分之三

乾隆三十九年五月十六日奉

上諭此次巡幸木蘭沿途經過地方所有本年地丁錢糧著加恩蠲免十分之三

乾隆四十年五月二十六日奉

上諭此次巡幸木蘭所有經過沿途地方本年地丁錢糧著蠲免十分之三

乾隆四十一年二月初九日奉

上諭朕因平定兩金川祇謁

兩陵禮成恭奉

皇太后巡幸山東告成

闕里所有沿途經過地方著加恩蠲免本年錢糧

十分之三

三月初六日奉

上諭朕因雨金川全境蕩平祇奉

皇太后安輿恭詣

泰岱祝報延

禧並登

闕里之堂告功釋奠犖路所經加恩優渥而泰安
曲阜為駐蹕之地尤宜廣敷惠澤用溥隆施著將
該二縣乾隆丙申年應徵地丁錢糧全行蠲免該
部即遵諭行

五月十三日奉

上諭朕此次巡幸木蘭所有經過地方著加恩蠲

免本年地丁錢糧十分之三該部即遵諭行

乾隆四十三年正月十八日奉

上諭朕此次茶謁

秦陵

秦東陵及三月清明節茶謁祭謁所有沿途經過地方著加恩蠲免本年地丁錢糧十分之三

七月二十日奉

上諭朕此次前往盛京茶謁

祖陵所有經過直隸奉天州縣地方著加恩蠲免本年應徵地丁錢糧十分之三該部即遵諭行

八月二十二日奉

上諭朕自乾隆十九年再蒞盛京迄今二十四年

矣連藩為我朝

鴻業肇基之地風俗敦龐人心淳厚迺維

祖澤留貽食舊德而服先時者久而彌篤比戶恬
熙之象時繫於懷茲由山海關至陪京茶謁

祖陵時當秋穫豐登蹕路所經村村殷阜而老幼
歡迎扶攜恐後尤見忠愛惻怛嘉慰之餘恩施宜
渥啟鑿時業經降旨免所過地方錢糧十分之三
著再加恩將奉天所屬州縣乾隆四十四年地丁
正項錢糧通行蠲免俾我留都士庶連年不事輸
將蓋享盈寧之福該部即遵諭行

二十四日奉

上諭朕茶謁

祖陵禮成現降旨將奉天所屬府州縣乾隆四十
四年地丁正項錢糧通行蠲免所有各莊頭及旗
地應納糧石草束等項自應一體加恩以敷渥澤
著將盛京戶部各莊頭本年應交倉糧一萬餘石
免其交納所有各處匠役應需口糧著於舊存倉
糧內撥給其盛京興京遼陽牛莊蓋州熊岳復州
金州岫巖鳳凰城開原錦州寧遠廣寧義州等十
五處旗地本年應納米豆草束亦著免徵一半俾
旗莊均霑嘉惠該部即遵諭行

乾隆四十四年正月十八日奉

上諭朕此次敬謁

泰陵恭祭

奉東陵及四月釋服茶詣祭詣所有沿途經過地方著加恩蠲免本年地丁錢糧十分之三該部即遵諭行

五月十二日奉

上諭朕此次巡幸木蘭所有經過沿途各州縣著加恩蠲免本年地丁錢糧十分之三該部即遵諭行

乾隆四十五年正月十二日奉

上諭朕巡幸江浙省方觀民鑿務所經宜施渥澤用溥春祺所有經過直隸山東地方本年應徵地丁錢糧俱著加恩蠲免十分之三該部即遵諭行

十六日奉

上諭朕巡幸江浙道經畿輔長蘆商賈踴躍行坑
用宜一體加恩俾需慶澤著加恩將長蘆商人應
徵乾隆四十四年分鹽課五十餘萬兩內十分之
一分作五年帶徵俾高力益資饒裕該部即遵諭
行

二月初五日奉

上諭朕因東南黎庶望幸情殷爰舉舊章五巡江
浙茲當入疆伊始慶澤宜敷所有江南浙江水陸
經過地方本年應徵地丁錢糧俱著加恩蠲免十
分之三該部即遵諭行

十五日奉

上諭朕巡幸江浙已降旨將經過地方本年額賦

蠲免十分之三而省會駐蹕之地加恩更宜優渥
著將江南之江寧蘇州浙江之杭州所有附郭諸
縣本年應徵地丁錢糧概予豁免俾近光黎庶無
事輸將共享盛寧之福該部即遵諭行

四月二十四日奉

上諭朕此次巡幸江浙驛路經過直隸山東地方
其長蘆商人業經加恩緩徵課項所有山東商人
並著加恩將乾隆四十五年應徵票引鹽課銀十
八萬餘兩自本年奏銷後起限分作六年帶徵以
示優恤該部即遵諭行

五月二十一日奉

上諭朕此次前往熱河所有經過地方著蠲免本

年地丁錢糧十分之三

八月二十八日奉

上諭朕此次恭謁

西陵所有沿途經過地方著加恩蠲免本年地丁錢糧十分之三

乾隆四十六年二月二十二日奉

上諭此次巡幸五臺經過直隸山西各州縣所有本年應徵錢糧著加恩蠲免十分之三該部即遵諭行

閏五月初八日奉

上諭朕此次巡幸木蘭駐蹕熱河所有經過地方著加恩蠲免本年錢糧十分之三該部即遵諭行

乾隆四十七年三月初五日奉

上諭朕此次巡幸盤山所有經過地方著加恩蠲免本年地丁錢糧十分之三

五月十二日奉

上諭朕此次巡幸木蘭駐蹕熱河所有經過地方著加恩蠲免本年錢糧十分之三該部即遵諭行
乾隆四十八年二月初十日奉

上諭朕此次恭謁

泰陵所有經過地方著加恩蠲免本年地丁錢糧十分之三該部即遵諭行

五月二十四日奉

上諭朕此次啟鑿前往熱河所有經過地方著加

恩蠲免本年地丁錢糧十分之三

八月十六日奉

上諭朕由熱河前往盛京恭謁

祖陵所有經過直隸奉天各州縣著蠲免本年地
丁錢糧十分之五該部即遵諭行

九月初七日奉

上諭朕自乾隆四十三年臨幸盛京迄今五年我
朝根本之地風俗淳厚迥非他省可比緬惟

祖澤留貽至今勿替茲由熱河取道九關臺四莊
陪京恭謁

祖陵蹕路所經老扶幼挈就瞻恐後尤見愛戴悃
忱嘉慰之餘恩施宜渥著加恩將奉天所屬府州

縣乾隆四十九年地丁正項錢糧通行豁免俾留
都士庶益享盛寧之福該部即遵諭行

十一日奉

上諭朕恭謁

祖陵禮成現降旨將奉天所屬府州縣乾隆四十
九年地丁正項錢糧通行豁免所有各莊頭及旗
地應納糧石草束等項自應一體加恩以敷渥澤
著將盛京戶部各莊頭本年應交倉糧一萬餘石
免其交納所有各處匠役應需口糧著於舊存倉
糧內撥給其盛京興京遼陽牛莊蓋州熊岳復州
金州岫巖鳳凰城開原錦州寧遠廣寧義州等十
五處旗地本年應納米豆草束亦著免徵一半俾

旗莊均需嘉惠該部即遵諭行

乾隆四十九年正月二十一日奉

上諭朕巡幸江浙省方觀民鑿格所經宜施澆澤
用溥春祺所有經過直隸山東地方本年應徵地
丁錢糧俱著加恩蠲免十分之三該部即遵諭行

二月十六日奉

上諭朕因東南士庶籲幸情殷且河工海塘以次
告竣一切善後機宜均須親臨指示爰循舊典六
巡江浙茲當入疆伊始慶澤宜覃所有江南浙江
水陸經過地方本年應徵地丁錢糧俱著加恩蠲
免十分之三該部即遵諭行

二十六日奉

上諭朕巡幸江浙已降旨將經過地方本年額賦蠲免十分之三而有會駐蹕之地恩膏更宜優渥著將江南之江寧蘇州浙江之杭州所有附郭諸縣本年應徵地丁錢糧概予豁免俾近光黎庶無事輸將蓋幸盈寧之福該部即遵諭行

三月十二日奉

上諭朕幸華莊浙省澤覃敷前已降旨將經過地方本年額賦蠲免十分之三並省城駐蹕之仁和錢塘二縣本年應徵地丁錢糧概予豁免今入豫伊始周諮民隱再沛恩綸所有杭州嘉興湖州三府屬本年應徵地丁錢糧共一百九萬餘兩著再加恩普免十分之三俾近光黎庶益享盈寧以副

朕省方問俗施惠閭閻有加無已之至意

御製降旨寬免浙江杭嘉湖三府正供十分之三

詩以誌事

表甲

入疆民隱切諏咨積欠概將寬免之

昨入江南境即降旨將江

寧江蘇安徽各藩司所屬未完積欠地丁漕項及民借籽種等項共銀未一百三十餘萬全行蠲免

並未違災謝

天祐

無災則

更常完賦慶農時

雨暘時而歲美每平完賦更無欠項

所當嘉也其風善寧可靳哉我惠施十以克三正

供還

浙省附郭之仁和錢塘二縣本年應徵地丁正項先經降旨概予豁免外因思杭州嘉興

湖州三府踴進所經復加恩將三府屬本年應徵地丁錢糧共一百九萬餘兩再行豁免十分之三

計三十餘萬俾進光福幸茲同樂世雍熙

閏三月初四日奉

上諭朕鑒格時巡善苑度惠前長蘆山東高家鋪
躍行忱自應一體加恩俾惠渥澤所有長蘆應徵
引課銀四十九萬餘兩山東應徵引課銀三十六
萬餘兩俱著加恩分作八年帶徵俾商力益資饒
裕該部即遵諭行

五月初八日奉

上諭朕此次巡幸藍山所有沿途經過地方
著加恩蠲免本年地丁錢糧十分之三

乾隆五十年三月初三日奉

上諭朕此次巡幸藍山所有沿途經過地方本年
應徵地丁錢糧著加恩蠲免十分之三

五月十八日奉

上諭朕此次巡幸木蘭駐蹕熱河所有經過地方
著加恩蠲免本年地丁錢糧十分之三

乾隆五十一年二月十八日奉

上諭朕此次恭謁

西陵後巡幸五臺所有沿途經過地方著加恩蠲
免本年地丁錢糧十分之三

五月二十九日奉

上諭朕此次巡幸木蘭駐蹕熱河所有經過地方
著加恩蠲免本年地丁錢糧十分之三

乾隆五十二年二月二十六日奉

上諭朕此次恭謁

東陵迴蹕便道巡幸盤山所有沿途經過地方本

年應徵地丁錢糧著加恩蠲免十分之三

五月初八日奉

上諭朕此次巡幸木蘭駐蹕熱河所有經過地方著加恩蠲免本年地丁錢糧十分之三

乾隆五十三年二月十九日奉

上諭長蘆鹽務商本素非鉅裕節經加恩調劑以紓商力今翠華臨莊各商等情殷懇就踴躍歡作俱見惻忱宜持沛恩膏以善春澤所有乾隆四十八九兩年未完五限四限緩徵正餘課銀六十七萬八千五百餘兩著再加恩前限滿後再展限三年帶徵俾商力益徵充裕以示朕行慶施惠有加無已至意該部即遵諭行

十八日奉

上諭朕此次巡幸天津閱視河工所有經過地方及天津閩府所屬本年應徵錢糧著免十分之三
五月十九日奉

上諭朕此次巡幸木蘭駐蹕熱河所有沿途經過地方本年應徵錢糧著加恩蠲免十分之三
乾隆五十四年三月初十日奉

上諭朕此次巡幸盤山所有沿途經過地方本年應徵地丁錢糧著加恩蠲免十分之三

閏五月初五日奉

上諭朕此次巡幸木蘭駐蹕熱河所有沿途經過地方本年應徵地丁錢糧著加恩蠲免十分之三

乾隆五十五年二月初八日奉

上諭朕祇謁

兩陵巡幸山東道經畿甸當各行慶首途所及宜沛恩膏著將直隸經過州縣本年應徵地丁錢糧加息蠲免十分之三

二十六日奉

上諭朕此次展謁

兩陵巡幸山東所有沿途經過地方著加息蠲免本年地丁錢糧十分之三

三月初九日奉

上諭朕此次巡幸山左於回鑾時駐蹕天津所有東省長蘆兩處商人情殷瞻就踴躍欣忭具見惻

誠因念蘆東鹽務節經恩施調劑以紓商力今翠
華臨蒞允宜再沛恩膏著將山東五十四五兩平
應完課銀三十六萬八千四百餘兩長蘆五十四
年應完課銀五十七萬二千九百餘兩自本年春
銷後加息分作八年帶徵俾商力益資鏡裕以示
朕行慶施惠有加無已之至意該部即遵諭行

五月初十日奉

上諭朕此次駐蹕熱河所有經過地方著蠲免地
丁錢糧十分之三

乾隆五十六年三月初四日奉

上諭朕此次巡幸盤山所有沿途經過地方本年
應徵地丁錢糧著蠲免十分之三

五月二十一日奉

上諭朕此次巡幸木蘭駐蹕執河所有經過地方著蠲免地丁錢糧十分之三

乾隆五十七年三月初八日奉

上諭朕此次恭謁

西陵後巡幸五臺所有沿途經過地方著加恩蠲免本年地丁錢糧十分之三

三月二十一日奉

上諭朕向來每遇巡幸所有經過地方俱加恩蠲免地丁錢糧十分之三五臺非清蹕常臨之地此次巡幸駐蹕尤宜逾格施恩用數渥澤所有五臺一縣本年地丁錢糧著加恩蠲免十分之五其大

同朔平二府屬未完糧一萬八百四十八石零和林格爾廳未完米九百八十九石零亦著全行豁免以示朕惠愛黎元省方行慶至意該部即遵諭行

御製登中臺靈鷲峰瞻禮遂駐臺懷優賚晉省衆

民詩以誌事壬子

中臺今復陟峯巔風日晴和法有緣欣我七年願重遂宜他通省惠加宣例之三者增為五每年巡幸所至例免經過沿途州縣錢糧十分之三茲因五臺非清澤常臨之地所有該縣本平地丁錢糧命加恩蠲免五十文以半當道以全昨經直隸地方寬免大分之五欠以半當道以全興安肅等八州縣民欠未參數三萬四千五百餘石茲詢據馮光龍奏晉省大同朔平二府舊欠糧二萬餘石已經徵收一半所有未完一萬二千餘石因即降乘步輿登罷旨全予豁免以示省方施惠至意

策馬八旬有二合應然

五月初十日奉

上諭朕向未巡幸木蘭駐蹕熱河經過地方俱蠲免地丁錢糧十分之三本年近畿一帶現在雖經澆沛甘膏但從前得雨稍遲甫經補種大田小民恐未免拮据所有此次經過地方著加恩蠲免地丁錢糧十分之五以示朕格外體恤至意

乾隆五十八年三月初四日奉

上諭朕此次巡幸盤山所有沿連經過地方本年應徵地丁錢糧著蠲免十分之三

五月十六日奉

上諭朕此次巡幸木蘭駐蹕熱河所有經過地方

著蠲免本年地丁錢糧十分之三

乾隆五十九年三月初十日奉

上諭朕此次巡幸天津所有經過地方及天津閩府所屬本年應徵錢糧著加恩蠲免十分之三

二十日奉

上諭朕此次巡幸天津業經降旨將沿途經過地方蠲免本年地丁錢糧十分之三節年積欠銀兩蠲免十分之四本日御舟經過琴高祠石口村該處村民扶老攜幼夾道歡迎尤為踴躍可嘉著再加恩將該村莊本年應徵錢糧普行蠲免以示朕行慶施恩有加無已至意

二十四日奉

上諭昨日御舟經過揚柳青夾河地方該處居民
踴躍歡迎情殷愛戴殊屬可嘉所有該村莊本年
應徵錢糧亦著加恩善行蠲免以示朕予惠施恩
有加無已至意

四月初一日奉

上諭長蘆山東鹽務商本素非饒裕節經加恩調
劑以紓商力今翠華臨蒞天津蘆東各商俱情殷
瞻就踴躍歡忭具見惻忱自宜持沛恩膏以敷僅
澤所有長蘆山東未完六限三限緩徵及帶徵五
限川餉並本年應完正餘引粟課銀三百八十八
萬餘兩者再加恩於各原限屆滿奏銷後起限統
行接展三年分別帶徵俾商力益臻饒裕以示朕

行慶苑患有加無已至意該部即遵諭行

五月二十五日奉

上諭朕此次巡幸木蘭駐蹕熱河所有經過沿途地方古北口以外兩澤早霜收成可期豐稔著將本年應徵地丁錢糧照例加恩蠲免十分之三其口內地方兩澤較少麥收較薄著加恩將本年地丁錢糧蠲免十分之四以示體恤

乾隆六十年閏二月十三日奉

上諭此次恭謁

兩陵所有沿途經過地方著加恩蠲免地丁錢糧十分之三

五月初八日奉

上諭朕此次巡幸熱河所有經過地方著蠲免本年地丁錢糧十分之三

平惠全書卷八